

widzeć na wobličach pobožnych poslušarjow: swjata ćišina knježeše, mnozy mějachu sylzy we wóčkach; we łódzi šedziwy starc cyłemu předowanju stojo připosłuchaše a so w nutrnej zahorjenosći přeco bliže ke klětcy ćišćeše. Tajki wobraz pobožnosće dyrbjał tež na najswětńišeho čłowjeka hluboki zaćišć činić! — Jara so mi spodoba, zo je w Picnju srjedź němskeho a serbskeho kemšenja wjetša poľhodžinska přestawka, tak zo móžachu Němcy z dobrej khwilu z cyrkwe wuńc a Serbja do njeje zańc, runjež wšak wjele Němcow wote mše hić njewidzjach. Haj, bě jich tehdy woprawdže zrudnje mało za tajke dosć wulke město a mjez nimi džěchu hišće snadź 20—30 Serbja: služobni z města a ratarjo z předměstkow. — Hewak pak ma so drje wšudže po Delnich Łužicach němski a serbski kemš w jenej smuzy za sobu: hdyž je faraf němski wupředował, wostanje wón na klětcy stojo, wosada jenu abo porědko dvě štučcy ze spěwańskich (zwjetša z němskich) wuspěwa a faraf přěduje hnydom dale serbski. Tuta woprawdže njedostojna naprawa za službu k česći Boha Wjeřšneho ma dvě přičinje: 1) zo by k. duchowny skerje lěpje hotowy był a 2) zo bychu Serbja nuzowani byli hnydom tež němsku Božu službu sobu wopytać; přetož to je njemóžno, zo w tak krótkim času Němcy, runjež je jich druhdy žalostnje mało, cyrkej wopušeća a Serbja zastupja a so na swoje města podadza. A k tomu je kóždého pobožneho serbskeho kemšerja wězo haniba při spěwanju zastupić, před wočemi k. fararja, kiž na klětcy stoji, po cyrkwi wokoło běhać a swojeho nutrnje spěwaceho susoda molić. To je runje tak, jako bychu moji šulerjo, hdyž ja na kathedrje stoju, přede mnu w auditoriju wokoło běhać a swojich susodow storkać cheyli. Njebychu-li so sami toho strachowali, ja hižo bych jich mores nawučil! A mjez kemšemi a šulu je we tym přeco hišće wulki rozdžěl, tam so swětne wěcy wuča, tu pak bójske! Ale ja wěm dobry srědk za wonych serbskich fararjow, kotrymž je přewobćežno dvě porjadnej a cyłej Božej službje za Bože kralestwo kóždu njedželu wukonjeć. Njeh najprjedy serbsku Božu službu dzerža, štož po prawym prawda a sprawnosć sama wot so žada, potom přestawku wot 10—15 mjeńšinow sčinja a na to dospołny němski kemš scěhować dadza. Husto budže, hdyž chcedza potom němsku Božu službu započec,